

T-19

Na osnovu članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 74. sjednici, održanoj dana 18.09.2020. godine, d o n o s i

## ZAKLJUČAK

### I.

Utvrđuje se Prijedlog Odluke o usvajanju Platforme za mir podnesenu od strane USAID-ovog Projekta PRO-Budućnost koji provodi američka humanitarna organizacija Catholic Relief Services (CRS).

### II.

Zaključak sa Prijedlogom Odluke o usvajanju Platforme za mir upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-31-15716 120  
Datum, 18.09.2020. godine  
Zenica

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.



PREMIJER

Mirza Ganić

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na svojoj ---. sjednici održanoj ---.2020. godine, donosi

**O D L U K U**  
**O USVAJANJU PLATFORME ZA MIR**

**Članak 1.**

**(Predmet Odluke)**

Ovom odlukom Skupština Zeničko-dobojskog kantona usvaja Platformu za mir podnesenu od strane USAID-ovog Projekta PRO-Budućnost koji provodi američka humanitarna organizacija Catholic Relief Services (CRS), koja je sastavni dio ove odluke.

**Članak 2.**

**(Stupanje na snagu i objavljivanje)**

Ova odluka stupa na snagu danom donošenja, a objavit će se u Službenim novinama Zeničko-dobojskog kantona.

Broj: 01- \_\_\_\_\_ /20.  
Datum, \_\_\_\_\_ .2020. godine  
Z e n i c a

**PREDSJEDAVAJUĆI**

**Čazim Huskić**

**DOSTAVLJENO:**

- 1x Stručna služba Skupštine,
- 1x Stručna služba Vlade,
- 1x Ministarstvo za pravosuđe i upravu,
- 1x „Službene novine Zeničko-dobojskog kantona“,
- 1x a/a.

## OBRAZLOŽENJE

### PRAVNI OSNOV

Pravni osnov za donošenje Odluke o davanju suglasnosti na Platformu za mir podnesenu od strane USAID-ovog Projekta PRO-Budućnost koji provodi američka humanitarna organizacija Catholic Relief Services (CRS), sadržan je u članku 37. stavak 1. točka f) Ustava Zeničko-dobojskog kantona.

### RAZLOZI ZA DONOŠENJE

Stručna služba Skupštine Zeničko-dobojskog kantona (u daljem tekstu: Skupština Kantona) aktom, broj:01/02-31-9641-3/20 od 26.6.2020. godine, dostavila je Vladi Zeničko-dobojskog kantona (u daljem tekstu: Vlada Kantona) na mišljenje Prijedlog za usvajanje Platforme za mir podnesne od strane USAID-ovog Projekta PRO-Budućnost koji provodi američka humanitarna organizacija Catholic Relief Services (CRS).

Stručna služba Vlade Kantona je aktom, broj: 02-1-31-9641-4/20 od 6.7.2020. godine navedeni akt Skupštine Kantona prosljedila na očitovanje Ministarstvu za obrazovanje, nauku, kulturu i sport, Ministarstvu za rad, socijalnu politiku i izbjeglice i Ministarstvu za pravosuđe i upravu.

Ministarstvo za rad, socijalnu politiku i izbjeglice je svojim aktom, broj: 09-1-31-9641-4-1/20 od 27.7.2020. godine, dostavilo stajalište da je suglasno da Ministarstvo za pravosuđe i upravu sačini akt za sjednicu Vlade Kantona kojim će se dati suglasnost na Platformu za mir podnesenu od strane USAID-ovog Projekta PRO-Budućnost koji provodi američka humanitarna organizacija Catholic Relief Services (CRS).

Takoder, Ministarstvo za obrazovanje, nauku, kulturu i sport je u usmenoj konzultaciji dalo suglasnost da se pripremi akt za Vladu Kantona o davanju suglasnosti na Platformu za mir podnesenu od strane USAID-ovog Projekta PRO-Budućnost koji provodi američka humanitarna organizacija Catholic Relief Services (CRS).

U cilju davanja suglasnosti obavljeno je prikupljanje informacija u vezi predmetne Platforme kojom prilikom se došlo do saznanja da je:

- PRO-Budućnost četverogodišnji projekat američke humanitarne organizacije Catholic Relief Services (CRS) koji je počeo u rujnu 2013. godine i koji najvećim dijelom finansira Američka agencija za međunarodni razvoj (USAID). Platforma za mir je krunski dokument USAID-ovog projekta PRO-Budućnost. Ovaj dokument, kreiran u formi deklaracije, rezultat je intezivnog rada u više od 70 lokalnih zajednica u BiH, te u saradnji sa odgovarajućim ekspertima koji su svoje vrijeme i znanje stavili na raspolaganje projektu i građanima i narodima u našoj zemlji;
- Vijeće ministara BiH je na svojoj 104. sjednici od 6. 6. 2017. *primilo k znanju Informaciju o projektu PRO-Budućnost i Platformi za mir, te usvojilo Platformu za mir*
- Kolegij Doma naroda, na svojoj 49. sjednici od 13. 7. 2017. godine, a Kolegij Zastupničkog doma na svojoj 53. sjednici od 25. 7. 2017. godine, odredili su Zajedničko povjerenstvo za ljudska prava kao nadležno za razmatranje Informacije o projektu PRO-Budućnost i Platformi za mir i teksta Platforme.
- S tim u vezi, Zajedničko povjerenstvo za ljudska prava je na svojoj 45. sjednici, održanoj 23. 10. 2017. godine razmatralo Informaciju o projektu PRO-Budućnost i Platformi za mir, te je primilo k znanju, od čemu je obavijestilo kolegije obaju domova Parlamentarne skupštine BiH, aktom broj: 03/6-50-14-12-45/17 (veza: 01,02-37-1671/17) od 23. 10. 2017. godine.
- Nakon toga, Predstavnički dom PS BiH usvojio Platformu za mir na nastavku 62. sjednice, održane 5. 7. 2020.godine;
- Tekst Platforme nije objavljen u Sluzbenom glasniku BiH;
- Platformu za mir do sada podržalo i usvojio je 75 općina/gradova, te skupštine Zapadno-hercegovačkog i Kantona 10;
- Nastanak Platforme vezan za potrebu koja je proizašla iz naroda, a s ciljem da se narodima i građanima BiH, ali i regionalnoj i međunarodnoj javnosti, pošalje jasna i snažna poruka da se

rat, ratna stradanja-posebno ona iz XX stoljeća – nikada više na ovim prostorima neće dogoditi, kao i činjenice da je stabilan mir rezultat stabilnih društvenih odnosa, a čiji su preduvjeti pomirenje i prihvatanje drugog i drugačijeg, razumijevanje i prihvatanje postojanja drugačijih- često suprotstavljenih- narativa, te iskren i otvoren razgovor među ključnim, a potom i svim drugim akterima i narodima, a što vodi do prosperitetnog, uspješnog, optimističnog, otvorenog, obrazovanog i uopšte jakog društva koje će moći uspješno da se nosi sa izazovima modernog doba i globalnih prijetnji poput terorizma, organiziranog kriminala, uništavanja životne sredine, klimatskim promjenama i ostalim čimbenicima koji utječu na svakodnevni ljudski život.

S obzirom na navedeno u obrazloženju u svezi Platforme, a vodeći se najvišim demokratskim standardima i ljudskim pravima, ali i ljudskim, moralnim, etičkim, kulturnim i duhovnim vrijednostima ukorijenjenim u bitak i tradiciju svih konstitutivnih naroda i Ostalih Bosne i Hercegovine, Vlada Zeničko-dobojskog kantona je smatrala da treba dati suglasnost na Odluku o usvajanju Platforme za mir.

#### **FINANCIJSKI ASPEKT**

Za provođenje ove odluke nisu potrebna dodatna finansijska sredstva.

## **PLATFORMA ZA MIR**

**Mi, dolje potpisani,**

**Poštujući političko-pravni poredak u Bosni i Hercegovini;**

**Duboko privrženi izgradnji i unapređenju mirnog i pravednog društva;**

**Svjesni važnosti uspostavljanja i promicanja mira u postkonfliktnim multietničkim društvima;**

**Zabrinuti zbog nadmoći suprotstavljenih kulturnih narativa i iskorištavanja razlika i povijesne patnje, što je doprinijelo netoleranciji i nasilju u Bosni i Hercegovini;**

**Sa zabrinutošću promatrajući nedostatak alternativnih ili neutralnih tumačenja povijesti i nedostatak snažne demokratske i participativne političke kulture;**

**Uvjereni da su vlasti na svim nivoima, od lokalne zajednice do vrha države, javne institucije, nevladine organizacije, institucije obrazovanja, kulture, sporta, mediji, mladi, vjerske zajednice, intelektualci, a posebno ranjive i marginalizirane grupe od neprocjenjive važnosti za izgradnju interkulturalnog razumijevanja, mira i nenasilja, te obnovu međuetničkog povjerenja narušenog posljednjim ratnim sukobom u regiji i teškim posljedicama koje je izazvao;**

**Žaleći zbog izostanka edukacije o miru u podijeljenom obrazovnom sistemu BiH, te marginalizacije onih koji pokušavaju srušiti barijere nepovjerenja i straha;**

**Afirmirajući potrebu da vlasti i pojedinci sa svih razina i segmenata društva - javne institucije, nevladine organizacije, obrazovne i kulturne institucije, sportske udruge, mediji, vjerske zajednice, intelektualci, mladi, te ranjive i marginalizirane skupine - učestvuju u izgradnji međukulturalnog razumijevanja, međuetničkog povjerenja, mira i nenasilja;**

**Prepoznajući predanost pojedinaca i institucija diljem BiH, koji su hrabro inicirali proces prevladavanja posljedica proteklog rata i ponovne izgradnje međusobnog razumijevanja, poštovanja i povjerenja;**

**Ohrabreni rezultatima napora na izgradnji mira i zajedničkim projektima navedenih pojedinaca i institucija;**

**Nastojeći postići:**

- **Sveobuhvatno zagovaranje za procese izgradnje mira i pomirbe, te njihovo prihvaćanje među svim konstitutivnim i ostalim narodima, građanima i vjerskim zajednicama u BiH;**
- **Međusobno povjerenje, razumijevanje i odgovornost u svim društvenim sferama;**
- **Uključivanje u procese izgradnje mira svih onih koji mogu doprinijeti uspostavi boljih društvenih uvjeta i kapaciteta koji će poboljšati stabilnost, sigurnost i mir;**

- Podizanje svijesti građana i stvaranje kulture dijaloga u kojoj će građani moći saznati za postojanje drugačijih interpretacija društvenih odnosa i odgovornosti, bez uticaja štetnih ili ideologija podjele;
- Uklanjanje komunikacijskih prepreka među donositeljima odluka i aktivistima civilnog društva, kako bi mogli zajednički raditi na izgradnji dugoročnih i održivih mirovnih procesa;
- Dinamičnije i brže uključivanje vlasti u mirovne aktivnosti civilnog društva i nevladinog sektora i obratno;
- Identificiranje predstavnika svih razina i sfera društva - političara, vjerskih vođa, građanskih aktivista, predstavnika manjina, intelektualaca, aktivista u obrazovanju, novinara, mladih, žrtava rata, marginaliziranih skupina i drugih - koji su spremni preinačiti svoju sklonost mirovnim nastojanjima u konkretne aktivnosti kojima se afirmiraju ljudska prava i poboljšavaju međusobno povjerenje, razumijevanje i odgovornost;
- Prepoznavanje pojedinačnih i institucionalnih aktera koji teže umanjiti distancu među narodima i ukloniti predrasude prema "drugima", na taj način kultivirajući društvene stavove o međusobnom razumijevanju, međuetničkom povjerenju i interkulturalnom razvoju;
- Prihvatanje ove platforme na državnoj, entitetskoj i lokalnoj razini;
- Prilagodbu ove platforme regionalnoj i međunarodnoj javnosti, radi uvjeravanja susjednih zemalja i regionalnih i međunarodnih organizacija u nužnost nastavka podržavanja izgradnje mira u BiH;

Afirmirajući našu uvjerenost da je mir, kao ljudsko pravo, najveća vrijednost našeg društva;

Iskazujući našu uvjerenost u potrebu širokog promicanja i prihvaćanja mira i mirovnih aktivnosti kao jedinog puta za sprečavanje ponovnog buđenja sukoba i nasilja;

Naglašavajući da je naš zajednički cilj mir, koji će biti uključiv, te da nećemo biti zadovoljni samo odsutnošću rata i nasilja, nego mirom koji će graditi slobodu, pravdu, razumijevanje i odgovornost zaštitom ljudskih, nacionalnih i manjinskih prava;

Prihvatajući vlastitu odgovornost za stvaranje društva u kojemu će mir biti prioritet iznad svih ostalih;

Riješeni nastaviti podržavati već postojeće napore mirovnih aktivista u BiH, prepoznavati doprinos mirovnih aktivista našem društvu;

Zajedno posvećeni javnom zagovaranju za mir i kontinuiranom radu i obrazovanju drugih o miru;

Posvećeni razvijanju demokratske slobode, građanskog angažmana i demokratske političke kulture kojom se ohrabrije rasprava, odbacuje nasilje i promiču nenasilni oblici suprotstavljanja;

Pozivajući na širenje rasprava o miru u medijima i na društvenim platformama, kako bi one postale dio svakodnevnog života;

Osuđujući sve aktere i zagovarače nasilja i nasilnih politika;

Pozivajući sve donositelje odluka i čelnike civilnog društva diljem zemlje i na različitim razinama političke strukture da promiču vrijednosti mira i aktivno sudjeluju u izgradnji stabilnog i održivog mira u BiH;

Podržavajući uspostavu odbora čiji će članovi biti prominentne i javne osobe iz različitih sfera (obrazovanje, ekonomija, vjera, donositelji odluka, politika, kultura, sport, itd.) koje će zagovarati da svi građani BiH ovu platformu prihvate kao svoju;

Promičući uključivanje formalne i neformalne edukacije za mir u javne obrazovne ustanovama;

Iskazujući predanost u radu s medijima, kako bi se pronalazile i promicale najbolje mirovne prakse, poruke, simboli i geste;

Pozivajući na javno predstavljanje zaključaka i naučenih lekcija relevantnih znanstvenih istraživanja usredotočenih na projekte izgradnje mira;

Pozivajući na izradu strategije za održiv dugotrajni mir u Bosni i Hercegovini, sveobuhvatnog mirovnog okvira koji će trasirati put za institucionalizaciju procesa izgradnje povjerenja i pomirenja u BiH;

Zalažući se za identificiranje pojedinaca iz sudbenih i izvršnih vlasti koji ohrabruju mir, međuetničku saradnju i razumijevanje, a koje poštuju različite zajednice, kako bi mogli doprinijeti izradi i parlamentarnoj ratifikaciji strategije za održiv dugotrajni mir u BiH;

Pozivajući načelnike općina i gradova da otvore svoja vrata svim ljudima, te da promiču političku otvorenost, toleranciju, dijalog, prihvaćanje postojanja drugačijih narativa, te zagovaranje dugotrajnog mira i pomirbe u svim lokalnim zajednicama;

Ohrabrujući sve ljude u BiH da učestvuju u formalnoj i neformalnoj edukaciji o miru, izgradnji vještina za očuvanje mira, te razrješavanje sukoba na miran i nenasilan način;

Pozivajući vladin i nevladin sektor u BiH, te sve građane da dostave kvalitetne prijedloge koji će poboljšati ovu početnu platformu, kako bi ona mogla prerasti u mjerodavan dokument i standard za mirovni aktivizam u BiH;

U potpunosti podržavamo sadržaj ove platforme i posvećujemo se ostvarivanju navedenih ciljeva.